

佛祖統紀卷第七之八

宋景定四明東湖沙門志磐撰城九

五祖章安尊者灌頂其師以此子非凡故以地住極位爲立名字時姓吳氏臨海章安人始生三月陳嘉二天皇帝

能隨母稱三寶名有僧過門謂其母曰此子非凡因以爲名七歲入攝靜寺依慧拯日記萬言年二十受具戒天縱慧解一聞不忘

陳至德初陳後上謁智者於脩禪寺稟受觀法研繹既久頓蒙印可因爲侍者隨所住處所說法門悉能領解積明元年隨智者止金陵光宗聽講法華文句注七既受金二十三隋開皇十三年隋文夏受法華玄義於江陵玉泉時年三十六

十四年夏受圓頓止觀於玉泉

造國清寺仁壽元年晉王爲皇太子師與智璪奉表至長安稱賀并謝造寺右庶子張衡宣今問智者七後靈異對以五事百錄見皇太子悲喜交至遣散騎常侍張乾震入山設千僧齋二年四月遣揚州參軍張諧入山宣令慧

日道場道莊法論二師隋改寺日道場此寺在東都二師見

於東宮講淨名經全用智者疏文判釋可
傳令寺衆請委法華玄義者齊疏入京衆推師
隨使應令八月遣使送師還山煬帝大業十
年時年四十五著涅槃玄義二卷疏二十卷時隋
末兵興寇盜羣起師自序云推度聖文凡辰
五載何年不見兵火何月不見干戈菜食水
齋冰牀雪被其勞苦有若此云疏成烈火焚
之不爇師晚年於會稽稱心精舍講說法華
時人讚之有跨朗籠基超雲邁印之語胡興皇
齊山陰慈基撰法華疏梁光宗法雲
製疏唐經傳印師未詳郡中有
嘉祥吉藏先曾疏解法華聞章安之道廢講
散衆投足請業深悔前作之妄唐貞觀六年
居樂安嶺南曰安州奚流鼎急歲常弱人師

八月七日終于國清壽七十二臘五十二初
示疾室有異香臨終命弟子曰彌勒經說世
尊入滅多爇名香其煙如雲汝今可多焚香
吾將去矣因委曲遺誠辭理甚切忽起合掌
如有所敬稱淨土佛菩薩名奄然而化先是
貞觀元年同學智晞臨終曰吾生兜率見先
城九

師智者寶座行列皆悉有人唯一座空彼天
人曰卻後六年頂法師來升此座計歲論期
審晞不謬是月九日窓于寺之南山居國清
日有老父染疾百藥不瘳其子求救於師即
焚香轉法華經病者聞香入鼻其疾遂愈仙
居樂安嶺南曰安州奚流鼎急歲常弱人師

普之曰若此溪坦平當於此講經旬浹之間
白沙遍涌平如玉鏡乃講光明法華以答靈
惠嘗於攝靜寺講涅槃經羣盜突至見寺門
旌旗耀日神兵執仗皆長丈餘賊衆大驚奔
走潰散俗因稱爲山兵寺每誦經宴坐常有
天華飄墜其側所著八教大意智略傳各一

卷觀心論疏二卷國清百錄五卷涅槃玄義
二卷涅槃經疏二十卷真觀法師傳南岳記各
一卷吳越王請謚爲摶持算者出百錄人相傳高僧傳三

贊曰昔在智者爲佛所使以靈山親聞法
華之旨惠我震旦乃開八教明三觀縱辯

宣說以被當機可也至於末代傳弘之寄
則章安侍右以一徧記之才昔河南有一
筆爲論疏垂之將來殆與慶喜結集
不流同功而比德也微章安吾恐智者之道將
絕聞於今日矣

六祖法華尊者智威姓蔣氏廬州縉雲人母

朱氏家世業儒年十八爲本郡堂長郡學之職父
母今歸納婦路逢梵僧謂之曰少年何意欲
違昔日重誓邪因示其五願曰一願臨終正
念二願不墮三途三願人中託生四願童真
出家五願不爲流俗之僧蓋前身爲徐陵聽
智者講經深有詣入對智者親立此願師聞

猶已不復還家即往國清授章安爲師受且之後咨受心要定慧俱發即證法華三昧。唐上元元年高宗欲卜勝地說法度人執錫而誓曰錫止之處即吾住所其錫自國清飛至。蓋領普通山自號可五百里以險狹不容廣衆陁空再擲至軒轅鍊丹山師既戾止翦棘刈

茅班荆爲座聚石爲徒畫講夜禪手寫藏典於是名其地曰法華旣而學者子來習禪者三百人聽講者七百衆常分爲九處安居師身長七天骨法古秀每登座有紫雲覆頂狀如寶蓋鳥雀旁止有同家畜衆苦乏水浚一石井繞三尺深日給千衆冬夏無竭法華至

仙居上阪仙居合州屬邑坂同坡也音反。約八十里師每日往反齋粥禪講未嘗少違咸謂有神足通永隆元年十一月二十八日趺坐禪堂而化異香七日不歇自上元初建寺至水滅緣七年耳是日衆見坐逝于寺而上阪之人見師赴檀越舍至人起滅其不可測識若此傳法雖衆往天宮

威師爲之正嗣師在太宗朝名德升聞召補朝散大夫封四大師晉書和傳云唐有四大師謂引爲大師誰國大師也但有四師之名其真有四吳越王請謚玄達學者宋朝皇祐初元仙居令伍佚於傳道處重修殿庭奉安真像是夜有虎繞殿二匝而去元豐五年十三代孫忠法師躬禮舍利

增飾其塔錄行實而記之曰師與天宮同時
行化俱受封官繼祖之位若橫論祇成八世
豎分則有九代也昔如來涅槃阿難結集出
二弟子一名商那一名末田地居國雖異行
化則同故付法藏橫列二十三豎分二十四
今智者示滅章安結集出二弟子亦同其時

阿難結集之際闍王送供一夏章安結集之

日煬帝送供十年挹流尋源智者如東土一
佛章安有似阿難二威亦猶商那末田地煬
帝外護有同闍王可不信哉師平日坐禪舊
址至今不生春草

贊曰世謂徐陵對智者發五願轉身得出

家學道證法華三昧嗣承祖位今詳觀頴
辭何期心未深而所獲更勝殊不知靈鷲
同會咸爲得入故能以自在力用或現率
官身或示比丘相昔徐陵令法華大利益
物隨願出興豈當以世間仕官因福受報
者比量之邪此意有權實二義唯明教者

知之

七祖天宮尊者慧威姓劉氏婺州東陽人總
角之歲深厭勞生遂入空門祝髮受具聞法
華大弘天台之道即往受業刻志禪法晝夜
惟勤三觀法門頓獲開悟時人見其深入感
師之室遂以小威師稱之後歸止東陽深居

山谷罕交人事自法華入滅之後登門求道者不知其數傳法之的唯左溪耳師於高宗朝與法華同封朝散大夫四大師吳越王請謚全真尊者

贊曰或見梁氏統例二威纖授其道不行之言則便以爲緘默無言坐證而已然梁

氏此言將以張皇荆溪立言弘道之盛故權爲之重輕耳要之講經坐禪未嘗不並行也不然法華聽習千衆天宮求道無數爲何事邪是知其道不行亦太過論

八祖左溪尊者玄朗與本朝聖初
諱上下字同字慧明婺州東陽人姓傅氏雙林大士六世孫也母葛

氏感異夢而有娠李太宗貞觀十八年生既產未嘗作嬰兒帝每見人則欣笑盈面九歲高宗永落髮得戒聞天官感弘止親即往求學

未幾一家宗趣解悟無遺常以十八種物行頭陀行依憑巖穴建立招提而列翠峯左蔡

碧澗因自號曰左溪每言泉石可以洗昏蒙雲松可以遣身世常宴居一室自以爲法界之寬心不離定口不嘗棄耄耋之歲同於壯齡操紙而衣掬溪而飲洗鉢則革綆爭捧誦經則琅玕交翔幽接林谷深以爲樂一日有旨狗至山長嗥伏地師爲行餓不逾旬日雙

目俱明每翹跪祈請願生覺率內院斂念之

頃忽感舍利從空而下

天寶中建塔奉發會
之至朝開寶六年復建塔奉發會
建塔處之本山東南深開元十六年州刺史

月十九日呼門人謂曰吾六即道圓萬行無

得戒爲心本汝等師之即端坐長別壽八

九

王正容婁屈入城冀親法喜師不欲往教辭之以疾與永嘉真覺爲同門友嘗賜書招覺

山居覺摸書千餘言有謠不在屋窓不在山

二夏三十弟子有夢其居寶閣第四重者宿以告鄰鄰夢亦協時以爲表第四天慈氏

九

內院也茶毗已門人分舍利爲二分一塔左

九

溪之西原遵像法之遺制一塔東陽之東原

九

尉邑人之後思司封李華爲之銘云稟法

十二人的嗣曰荆溪新羅傳道者法融理應

純英撰法華科文二卷及修治法華文句吳

越王請諡明覺尊者

之語今永嘉集有答友人書近世有左溪住人所不能知也反師所居蘭若坐非正陽將移殿與像用力實艱杖策指揮工人聽命爲日未久舊制儼然山水頻涸衆以爲患舉杖刺之巖泉涌出嘗累成二塔繪事悉煎香汁

贊曰刺史張成綺狀其行曰師諦人無倦

講不待衆一鬱多羅四十餘年一尼師壇終身不易食無重味居必偏處非因討_墨經論不虛然一燈非因瞻禮聖容不虛行一步未嘗因利說一句法未嘗因法受一豪財遂得遠域龍象鄰境耆_耆爭趨以前填門擁室若冬陽夏陰弗召而自至也

徒

八十也
結灰年

九祖荆溪尊者湛然姓寂氏世居晉陵荆溪時人尊其道因以爲號家本習儒故幼學風成在兒童中超然有邁俗志年十七_{春宗景}五年當十七歲訪道浙右遇金華方巖授

以止觀之法開元十八年始從學左溪_時二十年

溪與之語知爲道器嘗謂師曰汝曾何夢答曰疇昔之夜夢披僧服被二輪遊大河中溪曰嘻豈當以止觀二法度羣生於生死之淵乎遂以處士服受教觀之道天寶七載始解縫掖著僧伽梨_{時年三十八受業於宜興君山鄉淨樂寺縫掖儒士布衣僧伽梨翻為大乘二十五條也}尋詣會稽一律師博究律部

城九

七

久之演止觀于吳門開元左溪既沒師挈密藏獨運東南謂門弟子曰道之難行也我知之矣古之至人靜以觀其復動以應其物二俱不住乃蹈乎大方今之人或蕩於空或膠於有自病病它道用不振將欲取正舍予誰歸於是大啓妙法旁羅萬行盡攝諸相入於

無間即文字以達觀導語默以還源乃祖述所傳著爲記文凡數十萬言使一家聞頓之教悉歸於正每以智者破斥南北之後百餘年間學佛之士莫不自謂雙弘定慧圓照一乘初無單輪隻翼之弊而自唐以來傳衣鉢者起於庾嶺談法界闡名相者盛於長安是三者皆以道行卓犖力角反卓犖也名播九重爲帝王師範故得侈大其學自名一家然而宗經弘論判釋無歸講華嚴者唯尊我佛讀唯識者不許它經至於教外別傳但任胷臆而已師追援其說辨而論之曰金鉢曰義例皆孟子尊孔道闢揚墨之辭識者謂荆溪不生

則圓義將永沈矣天寶大歷間玄肅代三宗朝廷三詔並辭疾不起師始居蘭陵嘗與江淮名僧四十人同禮五臺有不空三藏門人含光白師曰頃從不空遊歷天竺見梵僧云聞大唐有天台敎迹可以識偏圓簡邪正明止潤可能譯之至此土邪師聞之歎曰可謂中國失法求之四維左傳孔子曰天子失官學在四夷之漢東夷傳序中興共之晚歸台嶺大布而衣一牀而居以身誨人耆年不倦大兵大饑之際學徒愈蕃瞻望堂室以爲依怙建中三年德宗二月五日示疾於佛龕語門人曰道無方性無體生歟死

歟其旨一貫吾歸骨此山報盡今夕要與汝等談道而決夫一念無相謂之空無法不備謂之假不一不異謂之中在凡爲三因在聖爲三德爇炷則初後同相涉海則淺深異流自利利人在此而已汝其志之言訖隱几而化壽七十二夏四十三門人奉全身塔于智

者瑩域之西南隅所著法華釋籤文句記止觀輔行止觀搜玄記各十卷止觀文句一卷爲司封李華說止觀大意一卷釋籤別行十不二門金剛鉢止觀義例三觀義涅槃後分疏觀心誦經記授菩薩戒文始終心要各一卷略淨名疏十卷記三卷淨名廣疏記六卷

治定涅槃疏十五卷文句科止觀科各六卷華嚴骨目二卷法華三昧補助儀觀心補助儀各一卷方等懺補助儀二卷門人梁肅撰師碑銘而論之曰聖人不與其間必有名世者出自智者以法付章安安再世至于左溪明道若昧待公而發來此賓興喚然中興蓋

受業身通者三十九人搢紳先生高位崇名屈體承教者又數十人

史記孔子世家云第

子蓋三十人

身通六

姓

通者無義

吳越王

葬者七十二人今言受業身通謂通

請證圓通尊者本朝元祐初水嘉忠法師遣

門人掃塔草棘荒蕪不能辨即案梁氏碑去

大師瑩兆百步尋識之其龕已空唯乳香一

吳越王

塊耳夜夢玄弼山君謂曰昨者天神遣多人取全身去也不須猶豫於是即舊基建石塔以識之

贊曰疏以申經記以解疏夫然故旨義始歸於至當而後人得以守其正說大哉釋
鑑妙樂輔行之文其能發揮天台之道疇

不曰厥功茂焉不有荆溪則慈恩南山之徒橫議於其後者得以並行而惑衆矣師之言曰將欲取正舍予誰歸誠然哉寶訓也本記言搢紳受業者數十人知當時儒宗君子學此道者若是之盛今所聞梁李三四人耳惜哉

佛祖統紀卷第七